

重刊道藏輯要

葆光集

清和真人尹志平撰

七言絕句

金山自宣德州至田相公營約七八千里乃金山之北也
西北行程近八千卻成南下過金山金山更向西南望纔見陰
山縹緲間

又

曾從神仙日下遊五千里外水分頭時人只解東溟注不見長
河西北流

道藏輯要

葆光集

一

胃集十

又

西出陰山萬里多一重山外一重河大河五次親曾渡餘外山
河未見他

過大石林牙契丹國大石是契丹語學士名林牙是小名
中原呼大石林牙爲國號

遼因金破失家鄉西走番戎萬里疆十載經營無定止卻來此
地務農桑

又

羣雄戰力得農桑大石林牙號國王幾帝聚兵成百萬到今衰
落亦城荒